à dire d'vne peau de cét animal, ouuerte seulement par le col, en sorte qu'on diroit que le Castor est tout entier: Voila, me dit-il, mon Pere, pour adoucir les fatigues de ton chemin; neus ne te çaurions exprimer la ioye que nous ouons de ta venuë; vne chose nous attriste, tu vien en vne maunaise saison, nous n'auons pas de rets povr pescher de poisson, et les eaux sont trop grandes pour prendre le Castor. Il ne faut point parler en ce pays-la, ny de pain, ny de vin, ny de lit, ny de maison.

LE LAC ST. JEAN EN 1652.

E lac que les Sauuages appellent Piagou yami, et que nous avons nommé le Lac de Sainct Ican, fait le pays de la nation du Porc-Epic. est esloigné de Tadousac de cinq ou six iournées. Or s'embarque pour

y monter sur le fleuue de Sagné, et quand on a vogué quelque temps sur ce fleuue, il se presente deux chemins, I'vn plus court, mais tres-fascheux; l'autre plus long, mais vn petit plus doux, ou pour mieux dire vn peu moins rude; car à parler sainement ces chemins ne semblent pas faits pour les hommes, tant ils sont affreux. La cause de cette difficulté, prouient de ce que le fleuue du Sagné, qui a bien 80 brasses de profondeur au res de Tanoussac, est fort inegal dans son lit, il est tout barré de rochers en quelques endroits, en d'autres il est tellement reserré, qu'il fait des courans si rapides, qu'il est insurmountable à ceux que le nauiguent: si bien ouil faut mettre pied à terre, pour le moin- dix fois par le plus court chemin, et quatorze par le plus long, pour aller de Tadoussac au Lac de Sainct Ican.

Et ces endroits s'appellent des portages, d'autant qu'il faut porter sur ses espaules tout le bagage, et le nauire mesme, pour aller trouuer quelque antre fleuue, ou pour éuiter ces brisans et ces torrens, et souuent il faut faire plusieurs lieues chargés comme des mulets, grauissans sur des montagnes, puis descendans auec milles peines et auec milles craintes dans des vallées et parmy des rochers, ou parmy des broussailles, que n'ont connuës que des animaux immondes. Enfin à force de peine et de trauail, on trouue ce Lac, qui paroist d'vne figure ouale, et de cinquante lieuës d'estendue ou Il est enflé par dix riuieres qui enuiron. remplissent son basin, et qui seruent de chemin à quantité de petites Nations respanduës dan ces grandes forests, qui viennent trafiquer auec les Sauuages qui habifent vne partie de l'année sur les riuieres de ce Lac; lequel se descharge par quatre ou cinq canaux, qui ayans courru separement quatre on cinq lieuës, se rejoignent ensemble pour faire vne seule riuiere, que nous appellons Sagné; laquelle se vient degorger dans la grande riviere de sainct Laurens aupres de Tadoussac.

Le vingt-deuxiesme de May, nous trauersasmes le Lac, par vn temps le plus doux et le plus agreable du monde. l'auois pense perir dans ce Lac deux ans auparauant. Vue tempeste s'eleuant tout à coup, remplit nostre petit batteau et nous ietta à deux doights de la mort. Nous fismes huict lieuës comme des gens qui sont aux abois, combattans pour la vie, contre les flots. Si deux mariniers qui me conduisoient n'eussent eu de la force et de l'industrie, les ondes nous auroient seruy de sepulchre. Dieu qui commande avx vents comme il luy plaist, les enchaisna dans ce dernier voyage. Nous voguions doucement dans vn calme agreable sur des eaux, qui frappées des rayons du Soleil, nous paroissoient belles comme vn crystal liquide. Et comme nous estions plusieurs canots de compagnie, ie prenois vn grande plaisir dans les diuers discours de nos Sauages. \mathbf{V} no femme entr'autres raconta ce qui suit : Il y a dix Lunes ou enuiron, que trauersant ce Lac, vne tempeste nous accueillit, les vagues nous esleuoient sur des montagnes d'eau; moy qui n'estois pas encore baptisée, ie voulus prier Dieu dans ma crainte, ayant appris des Chrestiens qu'il estoit bon, et que tout le monde lui pouuoit parler, ie prononçay ces paroles: Voila qui va mal que nous mourrions icy abysmez dans les eaux. Toy qui gouvernes le Ciel et la terre, la mer et les lacs, et les riuieres, ne nous sauueras-tu pas de ce naufrage? Vn Chrestien me reprit tout sur l'heure, et me dit: Ta parole n'est pas droicte, il ne faut point dire: Voila qui va mal que nous mourrions, ne nous tireras-tu point du danger? Ta langue s'est écartée de son chemin, il falloit dire: Mon Dieu, nous mourrons quand tu voudras, dispose de nos vies aussi bien dessus l'eau que dessus la terre. tu es le maistre: si tu prends cette pensée, qu'ils eschappent ce danger, nous l'échapperons; si tu ueux que nous mourions icy, nous ne laisserons pas de t'aymer. vne petite oraison bien saincte. Au reste, cette bonne femme adjoustoit, qu'elle trembloit toujours sur les eaux denant son baptesme; mais depuis que les caux sainctes auoient passé sur sa teste, qu'elle ne craignoit plu- d'estre noyée.